

HOMENAGE NA IVAN FELICIANO



Aruba Angels tambe tabata tin e honor di a toka na e ceremonia matrimonial di e pareha Feliciano.

Awe DEN AMBIENTE conhuntamente cu "ARUBA ANGELS" brassband ta dedica e pagina aki na un musico, cu a bay laga nos tragicamente den un accidente di auto Diadomingo ultimo.

Pa casualidad awe e pagina den e columna aki, tabata reserva for di antemano caba pa Aruba Angels, enconecion cu nan 12 aña di existencia, cual ta haci nan e brassband di mas existente.

Aruba Angels antes "Hells Angels" a ser funda pa August Leon na aña 1980.

E brassband aki a ser lanta despues cu August tabata toca snare pa e brassband di Rufo Odor, y e mes a dicidi di lanta su mes un grupo comokiera cu tabata tin hopi interes di su mes un amigonan di bario cu tambe tin tur e cualidadnan y tabata hopi entusiasmo pa toca den un brassband.

Pero pa lanta un brassband no tabata asina facil e tempo ey. E tempo ey no tabata posibel pa hafia sponser pa instrumentnan, locual tabata e factor mas principal.

Pero cu hopi lucha, sacrificio y perseverancia nan a logra nan meta di alcansa nan propio instrumentnan pa medio di bende rifa, ferf cas, pega bloki y te asta chapi cura y enz.

Locual cu e hobennan aki a haci cu hopi amor ta pa djis nan tambe por copera y alabes engrandece nos carnaval musicalmente. Pa 12 aña largo nan a demostra un un-

ion manera famia y a sabi di cumpli cu nan compromisonan carnavalesco na bien-estar di nan pais.

Esaki sigur ta di aprecia pa nan creatividad sano y tambe ta un ehempel pa e juventud cu enbes di busca coy mala mucha pa haci durante carnaval.

Den e 12 añanan di existencia di Aruba Angels, Ivan e aña aki a cumpli 10 aña cu e grupo. Ivan a join cu e grupo despues cu Stanley Leon a convence pa e forma parti di e grupo, comokiera cu nan tabata tin mester di un trombonista.

Desde cu e la dicidi di forma parti cu e brassband, e la sabi di gana cariño y respet di tur e otro intergranenan debi na su caracter ehemplar y semper cla pa copera.

Ivan semper tabata puntual y cla pa toka na unda cu ta. Su amor pa e grupo tabata asina grandi, cu pa un o otro motibo tabata falta mas trombonista, e tabata tin e curashi pa compania e grupo su so riba trombone.

Tambe e tabata forma parti di e comision y mayoria bes e tabata tuma sierto desisionnan importante.

E tabata un musico di hopi confiansa y fiel na e grupo.

Notabel ta tambe cu su amor pa e brassband tabata asina grandi cu constamente e tabata bisti e flanelnan di Aruba Angels.

Perdida di Ivan a shok e demas intergranenan y nan no tin e smaak mas pa bay

toca nan ultimo compromisonan, y a cancela tur nan actividadnan pa carnaval.

E ultimo momento cu Ivan a toka su trombone, tabata despues di e parada di mucha, cu e la pasa hunto cu algun intergranenan den Adriaan Lacle Boulevard, y

Pero un di su compañero di brass, Dennis Bislík cu ta compania e grupo pa paradanen, a supla su trompet pa muestra su aprecio pa Ivan.

E ultimo palabranan di Aruba Angels pa Ivan ta cu e semper lo ta un bon ehempel pa tur e otro intergranenan

Danki Ivan pa tur cos cu bo a haci pa nos brassband, y sosega na Paz.

Tambe di parti di staf i personeel di DIARIO tambe ta uni su mes na palabranan di condolencia di Aruba Angels.



Ivan hunto cu e brass section di Aruba Angels



a mira e jueznan ta formando un ambiente pero sin brass, y nan a dicidi di bay jam cu e jueznan cu nan brass.


Den su ultimo actividadnan tanto den litching parade y carnaval di mucha e tabata hopi alegre y tabata baila, canta y haci su chismesnan y tabata duna e grupo hopi animo.

Ora 'cu e intergranenan a ricibi e noticia cu Ivan a bay laga nan, nan no por a kere, y tabata un sla mucho duro pa e grupo por a toka na su entiero.

di brassband, y cu lo bo keda graba den nos memoria pa semper.

DEN AMBIENTE ta manda hopi forza pa su famianan y señora.

Pa
cualquier ocasion
ABSOLUT
VODKA
ta e bebida preferi



Agente exclusivo:
LICORES ARUBA